

NI GUNÍ' MINISTRA SOCORRO ROVIROSA, BIROPA NI RUDII XTIIDXA' MÉXICU NEZA LU GUENDALISAA GUIDXIRO' NI NAPA LIDXI NUEVA YORK (EUA), DXI CA XAIQUE RO' GUENDALISAA GUIDXIRO' BI'NI' STICA' DIIDXANANDXÓ' CA DERECHU STI' GUIDXIHUALA'DXI.

Gunaa Xaique ro':

Ca xpinni Méxicu rari' dunabé pe' cayecheca' ti xirooba nga cazanu ra cusuguenda ca xaique ro' Guendalisaa Guidxiro' ca diidxa' ra cá ca derecho sti' ca guidxi ne binnihuala'dxi.

Xaique guidxi Méxicu ruchá bi ladxidó' ti ndaani' xquidxi nuu stale binni gadxé gadxé nga laa ne riní' gadxé diidxa'. Yanna ma yaca chi gusaa chupa gayuaa iza ra xquidxi biaxha' lu ná ca dxu' xhagaraxi, xaique Guidxiro' Méxicu, rarí' ra risaaca xtiidxa' xpinni guidxilayú, canidu naro'ba' pe' nga rusisacadu ca guidxihuala'dxi nuu xquidxi, ti ca guidxihuala'dxi di nga rudiica' stipa' xquenda ne guendabiaani' guidxiro'.

Xcú Méxicu yanna, naca ca guidxihuala'dxi rudiica' stale ni risaca ne guirá' ni nannaca', guirá dxiiña' ni huayunica', guendariegulisaa, guendaribí xaique, guendaruyubi xquendanabanica', ne husiidica stale lu neza zizá xquidxinu Mexicu, ti laa tobisi naca ne qui zanda guilaa.

Méxicu riene chahui' pabia' risaca ca Diidxanadxó' di' lu Constitución Política sti' ne lu ca diidxa' do' riree lu.

Jmá nanuí, Méxicu cayene ca diidxanadxó' di sicasí cá ca ni xhaguete:

1. Ca derecho sti' guidxihuala'dxi guini'ca' xi nácati guibanica' ne tu laa gaca' xaiqueca', ni cá lu chonna ndaa diidxanadxó' (3, 4 ne 5), zácacani ra chinandacani Constitución ti qui chu' guendaridinde binni ne guendarilaa layú.

2. Lu ca ndaa 26, 27 ne 28 sti' Diidxanadxó' ra cá derecho sti' lu ni napa binni, ximodo guiquiiñeni, layú ne guendarisaca ni napa guidxi, qui zanda guieneduni pa cadí zinandani ni ná lu Gui'chi' Nandxó' sti' Méxicu, ne ni ná ca diidxa' do' sti' layú ne ni napa binni, zaqueca naquiiñe gunanu ca derecho sti' gadxé binni. Ni ná ca ndaa 27 ne 28 sti' diidxanadxó' ca la, napani xi chinandani ni ná ca xqui'chi' xquidxinu.

3. Ti ganda gaca' guirá ca derecho ni cá lu diidxanadxó' di' la, naquiiñe chinandani ni cá lu Constitución stinu, gunani ca derecho sti' binni ne gacané ni guiene binni guendarisaca sti' gunaa, ti bia'queca nga risaca gunaa ne nguiiu.

Diuxquixepe' laatu.

Nueva York, 13 gubidxa beuu ga' lu iza 2007.